



● EDITORIAL ● RÂL VÊNGTU ● CHHÛNGKAW CHANCHIN

✦ SEC Member-te leh MLA-te an inkâwm

✦ Mizoram Presbyterian Kohhran Press Release

✦ KṬP General Conference wawi 55-na leh Diamond Jubilee

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

SYNOD *Newsletter*

Volume XXVIII

No. 366

E-mail : synodnews@gmail.com

MARCH, 2014

SEC VAWI 250-NA THURÊL ṬHENKHATTE

Synod Executive Committee wawi 250-na chu February 24–26, 2014 chhûng khân J.M. Lloyd Hall, Synod Office-ah an ṭhu a, Synod Moderator Rev. K. Lalhmuchhuakan a kaihrui a, member 146-ah 128 an kal. Minister awmna hmun sawn avâng leh chhan dang vânga Synod hnuai Board leh Committee hrang hrang member thlâk ngai an awm nual a, SEC member pawh 13 lai thlâk an ni a, member thlâk zawng zawng 32 lai an ni.

Tun ṭum SEC-ah hian kum 2013 Synod Inkhâwmpuiin SEC bawh zui tûra a dahte bawh zuina lam a tam ber a, chûngte chu zir chiang tûr ruat phawt a ni deuh vek a; zir chiangtute rawtna leh ruahmannate chu SEC leha ngaihtuah leh tûra tih a ni hlawn.

Thurêl thenkhatte chu hetiang a ni–

1. Synod 2013-in hlamzuih tihbo a rêl tak avânga harsatna awm theite leh a chin fel dân tûr rawtnate Officers' Meeting (OM)-in a thlen chu thlîr a ni a. 2013 Synod General 74-a lo rêl tawh chu tihbelh hretin, “Nausên thi vui tûr chin chu dama piang chin an ni ang kan ti,” tia rêl a ni a. Hêng bâka sawi fel ngai awm chu Tualchhûng Kohhran leh khawtlâng hruaituten a ṭul angin rêl fel tûr a ni ang.

2. Mizoram sawrkârin MLTP Act 1995 ennawn a tum nia hriat a nih avângin hetiang hian hma lâk dân tûr siam a ni:–

- (1) Chief Minister hnênah MLTP Act 1995 hlih kan duh loh thu thlen ni se.
- (2) Kohhran tinah ṭawngṭai rualna nei tûra hriattîr ni se (He ṭawngṭai rual hun atân hian March 9, 2014, Pathianni zân ruat a ni).
- (3) Synod hmingin Press Release siam ni se.
- (4) MLTP Act hlih kan duh loh thu hi TV news item-ah pawh chhuah ni se.

3. Central Kristian Ṭhalai Pâwl Leader atân Rev. J. Lalremsiama (Durtlâng Bialtu Pastor) ruat thar a ni a; General Secretary atan Upa Zonunmawia, Co-ordinator chu ruat nawn leh a ni bawk.

4. Baptisma Register leh Inneih Register, Synod Archives-a neih kim lohte leh Kohhran malin record an neih si lohte Duplicate Certificate pêk dân tûr kaihhruaina siam thar a ni a. Hetiang dinhmunah ding, Certificate mamawhte chuan an awmna Tualchhûng Kohhranah (Kohhran Secretary Address-in) a Bio-data kimchang nênz iakin dîlna thlen ang a; Kohhran Committee-in ngun taka ngaihtuaha a phalsak chuan Bio-data

dah khah tûrte kimchang taka dah khatin Executive Secretary i/c Archive, etc.-ah an dîlpui ang a, pek âwma a ngaih chuan Duplicate Certificate a pe chhuak ang.

5. Salvation Army, kan Kohhrana lo lûtte dawnasawn dân tûr chungchâng hetiang hian rêl a ni–

- (1) Baptisma la chang lote chu an chan dân tûr ngaihtuahpui ni se.
- (2) Kan Sakramen chungchâng pawh a ṭul anga zirtîr ni se.
- (3) Rawngbâwlina chungchângah chuan a mi azirin an luhna Tualchhûng Kohhranin ṭha an tih anga an lo kalpui mai tûr a ni ang.
- (4) Corps Sergeant Major chu Kohhran Committee member, Tual Upa ang hial pawha pawm theih an ni ang.

6. Campus Ministry (Zirlai zînga rawngbâwlina) Committee member atân hêng mite hi ruat an ni:

- | | |
|-----------------------------|------------------------------|
| (1) Upa Lalthanzâma | (2) Rev. Dr. R. Lalbiakmawia |
| (3) Rev. Zosângliana Colney | (4) Rev. Dr. C. Lalhlîra |
| (5) Rev. Dr. Lalchungnunga | (6) Upa C. Ngûrthantluanga |
| (7) Upa Chhâwnvunga | (8) Rev. K. Lalthangmawia |

7. Relief Grant pêk dân tûr ruahmanna chu siam ṭhat ngaite siam ṭhain hman ngâh tûra pawm a ni a, a tlângpui thuin rate hman mêk aṭanga za zêla 50 – 150 vela tihpun a ni hlawn.

8. Presbyterian Church of Wales General Secretary Meirion Morris-a'n Mizoram Presbyterian Kohhran aṭanga Missionary– Rev. H. Sangkhûma leh Rev. Z. John Malsâwma Colney te rawngbâwlina avânga an lâwmthu sawina leh an thawh hun chhûng kum hnih dang pawh sei leh phalna a rawn dîl chu remtihsak a ni. Kum 2016 thlang an thawk zui ang.

9. Synod Office-a Co-ordinator pakhat hmun ruakah OM-in Pu R. Lalnunluanga, Assistant Co-ordinator, SMB a lo dah chu March 1, 2014 aṭanga Co-ordinator hna thawk ṭan tûra tih a ni (Synod Information & Publicity-ah a awm).

SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlechungnunga (KCN)

Editorial

MI DANG NGAIH PAWIMAWH

Motor-a tlan theuh theuh mi dang lehpelh tum tãlha rilru put te, mamawh avãnga doctor pan theuh theuh mahni ingaihw pawimawh berna rilru put tlat te, gas mamawha intlar theuh theuh mahni ingaihw pawimawh bĩkna rilru put te, tui dawhnaa mi hmakhallh duhna rilru put tlat te leh a indawta thiltih a ngaihwnaa mi dang khalh duhna rilru put te hi mahni hmasialna chi khat niin a lang.

Mahni aia mi dang hmangaihw leh ngaihw pawimawh chu thil harsa tak a ni ang a. Kan mihringpuite hian kan duh ang hi an duh ve a, kan hmasak duh ang bawkin an hmasa ve duh a, kan hmanhmawh ang bawkin an hmanhmawh ve thĩn tih hi hre thar leh ila, mi dang i ngai pawimawh thĩn ang u. Mi dang ngaihw pawimawhna rilru put hi mahni inphatna a ni a, chu chuan rah duhawm tak a chhuah thĩn. Mi dang ngaihw pawimawhna rilru nei lian apiangte hi mi kawm nuam, thawhpui nuam, mi biak nuam, zinpui nuam leh mi hlawhtling an ni thĩn. Mi dang tân malsawmna nih i duh chuan mi dang ngaihw pawimawhna lamah tãn lo la rawh le.

SEC MEMBER-TE LEH MLA-TE AN INKÂWM

Feb. 25, 2014 chawhnu dâr 1:00 khân Mizoram Presbyterian Church Synod Executive Committee (SEC) member-te leh Mizoram Legislative Assembly 2013 member thlan tharten JM Lloyd Hall, Synod Office-ah inkawm hona hun tha tak an hmang. Mizoram Legislative Assembly Speaker Pu Hiphei leh Chief Minister Pu Lal Thanhawla hovin MLA 31 an tel thei a ni.

Inkawm hona hun hi Synod Moderator Rev. K. Lalhmuchhuakan kaihruaiin hunserh a hmang a. Synod Secretary Upa H. Zolianan MLA thlan tharte chibai bũkna, lawmpuina leh lãwmthu sawina a sawi hnuah thuchah a sawi a, “Kan ramah hian ram rorêltute leh kohhranhote hi Pathian hruaina zuia thawk ho tũr niin kan inhria a. Kan ni tin khawsakna mamawh ngaihtuah kawngah ram hruaituten mawh in phur zual a; thlarau lam mamawh ngaihtuah kawngah kohhranhovin tih tũr kan ngah hle bawk a ni. Chuvãngin, infinchhuah leh ingaichãng tawna theihtãwpa kan tãn ho theih nãn he hun remchãng hi chuhin kan ngaihw pawimawh zual thu tlẽm tẽ han sawi chhuah hrãm kan duh a. Dawhthei taka min lo ngaihwthlãksaka a theih anga min tihhlawhtlinsak tũrin kan ngẽn che u a ni,” tiin thil chi nga a tãr lang a, chũngte chu a tlãngpuiin hetiang hian a khai khãwm theih-

1. Hleih nei lova, dik taka rorêl tũrin;
2. Ram hmasãwnna hnukpui - kãwlpheha, ei leh bãra intodelh, vãntlãng hrisẽlna, zirna, ram ngaw, nungcha leh leilung

humhalh leh inkal pawhna tha te ngai pawimawh tũrin;

3. Mizorama zu khapna dân hman mẽk chak taka kalpui zẽl tũrin;
4. Mizoram leh Cachar inrina vẽla hnam dangin Mizo fate buh leh thlai, thing leh mau, an rũksak leh hneh chhuha an lãksak leh an tihchhiatsak thĩn a lo tãwp theih nãn vẽn him hna thawk tũrin;
5. Corruption tibo tũra hma lãkna hlen chhuak ngei tũrin.

Synod Secretary-in hun a hman zawhah MLA-te hnẽnah lawmpuina thilpẽk (Mizo tãwng Bible, Calendar & Memento) hlan theuh an ni a. Assembly Speaker Pu Hiphei leh Chief Minister Pu Lal Thanhãwla ten thu an sawi a; CM-in thu a sawi zawh hian a duh apiang tân thu sawina hun hawn leh a ni a, Rev. C. Vanlalhruaia te, Rev. Zosãngliana Colney te, Pu R. Romawia te, Pu Vanlalzawma te, Pu Lalsãwta te, Rev. Lalramliana Pachau, Executive Secretary te leh Rev. Dr. Lalchhuanliana ten thu an sawi. Senior Executive Secretary Rev. Lalzuithangan lãwmthu sawi lehĩn, a tãwpah Upa R. Challianan tãwngtãisakna hun a hmang a ni.

PRESS RELEASE

Kan rama zu khapna dân ‘Total Prohibition/MLTP Act, 1995’ hman a nih ațang khân kan khawlai a lo rãlmuangin kan ram mipui nun pawhin a thiãnglim phah hlein kan hria a, a lãwmawm kan ti hle a ni. He zu khapna dân hi Mizoram sawrkarin ennawna, tihdanglam tumna a awm niin kan hria a. Mizoram Presbyterian Kohhran Synod chuan zu chungchãnga kan dinna leh Total Prohibition/MLTP Act, 1995 chungchãnga kan ngaihw dân hi puan thar leh tũlin kan hria a ni.

Kan Bible zirtĩrna ațang leh zũin mihring nun a tihkhawloh theih dân enĩn zũ hi thlah zalẽn chi-ah kan ngai lo va. Kan rama thil tha lo chi hrang hrang thleng thĩn -tũalthah, pãwngsual, lĩrtheia chẽtsualna leh thil duhawm lo dang lo thleng thĩnte pawh hi zũ nẽna inzawmna nei an ni fo va. Synod Social Front-in kum 1994-a zũ leh a intute chungchãng a zir chiannaah pawh zũ kan thilpui nasatzia te, hmeithai zaa 65 chu an pasal zu in thĩnten an thihsan avãng a ni tih leh fãhrah an lo pun phah tãk zẽl avãng tein zũ hi khuahkhĩrh tlata, Total Prohibition/MLTP Act 1995 pawh hi a tũl anga thuan chaka, hman zui zẽl ni se kan duh a. Hei hi kan ram leh hnam tân pawh a him berin kan ring a ni.

He zu khapna dân, ‘Total Prohibition Act’ hi zãwma, a hlawhtlin zẽl theih nãn theihtãwp chhuaha tãwngtãia tãn la zẽl tũrin Kohhran mi zãwng zãwng kan ngẽn thar leh a ni e.



(UPA H. ZOLIANA)
Secretary



(REV. K. LALHMUCHHUAKA)
Moderator

MIZORAM PRESBYTERIAN KOHHRAN SYNOD



RÂL VÊNGTU

Zân thla êng tak hnuaiah chuan Zawrhduha leh a thiante chuan Râl Vêngtu vênbûk lam chu an pan a. Ni dangah pawh Râl Vêngtu kam chhuak an lo ngaihthlak tawh thîn thu leh an hlâwkpuî thîn thute an sawi a, an hlim dar dar hle a.

Râl Vêngtu chuan an hriat atana pawimawh tak, “Lal Davida khan a hmalakna tam takah zâwlnei leh puithiamte hmangin Pathian a râwn thîn a, chu chu a chêt thât phahna chhan a ni thîn a. Chutiangin, Pathian râwn lova hma a lakna kha nasa taka amah timualphotu a ni bawh tih in hria a. In chêt lâkna tûr rêng rêngah Pathian zâwlnei leh puithiamte thu ngaichâng lo chuan thiltih ching lo vang che u,” tiin thurâwn tawite a pe a. Zawrhduha-te thianza chuan thurâwn fîng tak, kal sualna laka vêngtu tûr tha tak niin an hria a. Lâwm taka inchibaiin an inmangha tha thlawm a.

PRESBYTERIAN HMEICHHE HOSTEL-A LUT DUH TÂN

Kum 2014-2015 chhûnga Presbyterian Hmeichhe Hostel, Kulikawn-a lût duh tân dîl theih a ni e.

Dil theih hun : Ni 14.4.2014 thleng
Interview hun : Ni 15.4.2014 11:00 AM
Ahmun : Synod Committee Room-I
Seat awm zat : Seat 7
Hostela awm thei tûr : Class XI zir tûr tan

Dilna Form chu Kohhran Hmeichhe Department, Synod Office-ah lâk theih a ni.

REV. P.C. PACHHUNGA
Executive Secretary i/c Music

SAWMNA

Ni 29.3.2014 (Inrinni) khian Sialhau Kohhran Biak In hawn a ni dawn a. He hun hmang tur hian Sialhau Kohhrana lo lawi tawh zawng zawngte tel vek turin Sialhau Kohhran chuan a sâwm a ni.

PATHIAN THUA DOCTOR THAR

Rev. P.R. Hmuaka, Aizawl Theological College-a lecturer chuan February 8, 2014 khân Senate of Serampore College Convocation-ah Doctor of Theology (D. Th.) degree a dawng. Doctorate a dawnna hi Thuthlung Thar (New Testament) lam a ni.

SSC SENATOR SENATE EC MEMBER-AH REV. RAMA

Rev. Lalramliana Pachuau, Mizoram Presbyterian Kohhran Synod Executive Secretary chu Senate of Serampore College (University) chuan kum nga chhûng (term) atân Senator-ah a ruat a, Senate Executive Committee member atân ruat a ni bawh a, hei hi kum thum atân a ni thung.

ATC ZIRLAITE LEH IRELAND ZIRLAITE AN INKAWM

February 22, 2014 (Inrinni) zân khân JJ Aero Sports chuan ATC zirlai te, Mizo zirlai dang sâwm bikte leh National University of Ireland zirlaite tân ‘Inspire Ireland Youths’ tih thupua hmangin skype video conferencing an buatsaih a; tûnlai thiamna hmanga ngaih dân sawi honaa tel zirlaite hian manhla an ti hle.

SYNOD AIAWHA PALAINA

Mizoram Presbyterian Kohhran Synod nêna inpalai tawn thîn Kohhran Inkhâwmpui Lian hrang hranga palai tûra 2013 Synod-in a ruatte chuan February - March, 2014 chhûng khân an kalna tûr theuhvah Inkhâwmpui an hmang hlawm. Tûnah hian Mizoram Synod hian inpalai tawnpui Kohhran pakua a nei mek a ni.

NGENNA

Mi mal leh Kohhranin lehkhaw Synod Office kan dâwrnaah thil inzawh zui ngai te a awm thîn avângin hming bâkah biak pawh theihna telephone number dah thîn ni se a lâwmawm hle ang.

- Editor, SL&PB

SYNOD HOSPITAL, DURLÂNG JANUARY, 2014 CHHUNGA THILPÊK DAWNTE

I. CHARITY FUND ATÂNA PÊK

1. Dr. Ênga te chhûngkua, Laipuitlâng	₹ 10,000
2. Pu Zârzoliana, Ruallung	₹ 500
3. Pu Zârzoliana te chhûngkua, Champhai	₹ 2,000
4. Pu Rosâwmliana, Leitan	₹ 2,000
5. Lucus Lalchhandama, Dinthar	₹ 5,000
6. Champhai Vêngthlang North Kohhran	₹ 70,50
7. Dr. Rebecca Lalrintluangi, UCC, Borapani	₹ 5,000
8. Pu Lalnunsânga, Durtlâng Dâwrkâwn	₹ 700
9. Ramthar Committee, Bûkpui Kohhran	₹ 1,000
10. People United for Music With a Purpose (PUMP)	₹ 2,00,816
11. K.Lalrohluia, Mission Vêng North	₹ 3,000
12. Pu R.L. Chhuanawma te chhûngkua, New Serchhip	₹ 10,000
13. K. Lallianpui, Leitan	₹ 3,000
14. Upa R. Dawngliana te nupa, Chawnpui	₹ 1,000
15. Mualcheng Presbyterian Kohhran	₹ 5,300
16. Champhai Kahrawt Kohhran	₹ 11,206
17. Lalbiaksanga, Darlawn Venghlun	₹ 1,020
18. Lalramena, Durtlang	₹ 500
19. Lalthanzuali, Kawrthah	₹ 1,000
20. Rosawmliana, Leitan	₹ 1,000
21. Pu P.C. Vanlalbawihia te chungung, Pawlrang	₹ 2,000
22. Lalrintluanga, Lawngtlai Bazar Veng	₹ 2,000
23. Tawkkhupa, Sailung	₹ 1,000
24. Phulpui Presbyterian Kohhran	₹ 5,000
25. Champhai Vêngthlang Kohhran	₹ 2,03,501
26. Kawnmawi Kohhran	₹ 1,000

II. Thisen pe te	Pek zat	
1. KTP, Sihphir Vengthar Branch	51	Units
2. KTP, Lengpui Model Branch	38	Units
3. KTP, Bungkawn Pastor Bial	56	Units
4. KTP, Model Veng Branch	57	Units
5. NSS, Zirtiri Residential Science College	76	Units
6. Aizawl Theological College (ATC)	41	Units
7. KTP, Saikhamakawn Branch	56	Units
8. KTP, Mission Vêngthlang Branch	56	Units

III. THIL DANG PETE

1. Ame Pharmaceuticals, Hospital Road, Aizawl	
- Heated Water Dispenser pakhat	
2. Mamit Dinthar Kohhran Hmeichhia	- ₹ 5,000
3. Model Kohhran, Lengpui	- ₹ 1,210
4. The Youth Fellowship, Wales	- ₹ 55,000
5. Mizoram Florist Association - Pot 70, Pot hun chhan 70 nos. leh lei tha 4 bags.	
6. Bezalet Industry - Dunlop Cushion pathum	
7. Damdawi Veng Kohhran Hmeichhia, N. Vanlaiphai - Grace Home tan Rs. 2,000/-	
8. Richard Hmingliana, Kulikawn - Blanket 15 nos	
Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah kan Lalpa Isua Krista hmingin lawmthu kan sawi tak meuh meuh a ni.	

Sd/-

REV. R. RAMDINMAWIA
Chaplain, Synod Hospital.

Kristian Diary-a Minister/Pastor/Pro.
Pastor phone number tihdik leh tihbelh duhten phone no. 9862331632-ah SMS-in correction thawn nise.
- Editor, SL&PB

KTP GENERAL CONFERENCE VAWI 55-NA A ROPUI HLE DIAMOND JUBILEE LAWMNA NEN FAWMKEM A NI

Mizorama Thalai Inkhawmpui lian ber Kristian Thalai Pawl (KTP) General Conference vawi 55-na chu February 27–March 2, 2014 chhûng khân Khawzâwlah ropui taka hman a ni. A thlengtu lamin an chhinchhiah dânin Conference hmanga riak lûta kal (palai) zawng zawng chu 24,146 lai an ni a, lãnga he Conference hmang 1,000 vêl awm thîna chhût a ni bawk. KTP kum 60-na, Diamond Jubilee lawm nên fawmkem a nih avângin KTP member ni mênkte bâkah, a bika sâwm an nih angin Central KTP hruihau hlui 32 an kal bawk a; Conference an tizahawmin an tiphuisui khawp mai.

Rorêl palai 1,003 an kal thei a, rorêlnaa thu ngaihtuah tûr thahnem tak lût aţanga hma lâkna tûra rêl langsâr zual chu hêngte hi a ni:-

1. Kum 2014 chhûngin KTP Inkhawm tum khat thawhlawm chu Synod Hospital Charity Fund-ah pêk ni se.

2. Human Trafficking chungchâng leh ram pawns lama zirilaite leh hna thawka chhawte him zawkna tûrin Central KTP-in hma la rawh se.

3. Youth Recreation Centre (YRC) sak nân KTP member pakhatin ₹ 5 zel thawh thîn chu 2014-ah chuan member pakhatin ₹ 10 zel thawh ni tawh se.

4. KTP member thalai zawkte hîp khawm thei tûr Central KTP-in programme buatsaih se.

5. 2015 ‘Kum Puan’ atân “Krista tâna danglam ngam” (Rom 12:2) thlan a ni.

6. Central KTP budget atâna Synod-in a lo pawm tawh ₹ 31,03,000 bâkah Youth Recreation Centre atâna thawh tûr ₹13,66,700 nên CKTP budget pum pui chu ₹ 44,69,700 a ni.

7. Kum 2015 ‘Rorêl Inkhawm’ chu Mission Vêng Kohhran Biak Inah ngah a ni.

7. Kum 2016-a KTP General Conference chu Champhaiah ngah a ni a; 2018 KTP General Conference thleng tûrin an dîl angin West Phaileng thlan a ni bawk.

Kum 2014-2016 chhûnga Central KTP hruihau tûr thlan thar an ni a; chûng thlan chhuahte aţang chuan Office Bearer (OB) ruat leh an ni a, hêng mite hi an ni:-

Leader : Rev. Joseph Lalremsiam (Synod ruat)

Asst. Leader : Pu Samuel Laldingliana, *Electric Vêng Bial*

Gen. Secretary : Upa Zonunmawia (Synod ruat)

Asst. Secretary : Dr. Lalliansanga *Durtlang Bial*

Treasurer : Dr. Julie Remsangpuii *Zonuan Bial*

Fin. Secretary : Tv R. Lalramnghaka *Bâwngkâwn Bial*

Committee member-te:-

1. Upa K. Rorêlkima, *Ramhlun North Bial*

2. Pu R. Lalruatkima, *Dâwruipui Bial*

3. T. Upa Richard B. Lalhriatpui *Armed Vêng Bial*

4. T. Upa T. Lalawmpuia *Ramhlun Vêngthar Bial*

5. Pu Ngûrhmingliana, *Khatla Bial*

6. Pu Vanlalpêka, *Chanmari Bial*

7. Pu Zonunsanga Râltê, *Mission Vêng Bial*

8. Tv Joseph Lalsangzuala, *Châltlâng Bial*

9. Pu Lalthagvunga Sailo, *Republic Vêng Bial*

10. Pu P.C. Biakmuanpui, *Mission Vêngthlang Bial*

11. Pu C. Laldingliana, *Kulikâwn Bial*

12. Pu V. Lalrinmawia, *Vaivakâwn Bial*

13. Pu Lalchuanliana, *Bungkâwn Bial*

14. Pu K. Lalruatpui, *Vênghlui Bial*

Anni bâkah hian Synod Moderator, Synod Secretary leh Synod Executive Secretary i/c KTP, etc. te chu Ex-Officio member an ni a; Asst. Co-ordinator i/c KTP chu co-opted member a ni bawk.

Conference Thupui atâna thlan ‘Thola, Êng rawh’ (Arise & Shine) Isaia 60:1 tih chu mi pathum – Rev. H. Lalrinmawia

(CKTP Leader, 2004-2006), Rev. Lalzuithanga (CKTP Leader 2006-2007) leh Upa C. Ngûrthantluanga (CKTP Asst. Leader 2000-2002) ten vawi khat theuh an sawi. Thupui sawitute thu sawi a nung hlawm hle a, a tâwp zânah Leader kal chhuak Rev. Lalrinmawian Pathian thuchah ropui tak a sawi bawk. KTP General Conference Hla Bua hlate thalaiten an tuihui hle a, lâm tual khatin an lâm deuh reng. Zaipawl leh chanvo bik ti tûra ruatten an hlen chhuak tha hlawm hle a, chûng zîngah chuan Jubilee Zaipawl Pui (Bial Zaipawl hrang hrang infin) zai a ropui thei hle. He Conference rawn hmang hian Taiwanese thalai pariat an lo kal a, India ram hmun dang aţanga lo kal pawh an awm nual bawk.

A thlengtuten an thawk rimin an fakawm hle a. Inkhawmna hmunhmain a dâwl zawh loh deuh avângin pandal chhûnga leng lo an thahnem thîn hle a, inkhawm lai hi projector-in puanzâr hlaia en theih tûra ruahman a nih bâkah Synfo-in inkhawm lai video-a an lâkte chu local TV channel-ah tihchhuah a ni bawk a; pandal chheh vêl in tinah TV en an khat deuh vek a. LPS Cable TV-ah pawh inkhawm lai hi tihchhuah thîn a ni bawk a, Mizoram hmun hrang hrang aţangin thlîrtu an thahnem hle.

KTP Member zawng zawng hi 1,36,670 an ni a, chung zînga 85,769 mipa an ni a, hmeichhia 50,901 an ni thung. Pastor Bial 177-ah, Mizoram chhûngah Branch 762 leh ram pawns Branch 46 an awm a. Bial sum hmuh zât belhkhawm ₹ 1,81,15,221 niin Branch sum hmuh zât belhkhawm chu ₹ 15,72,62,931.45 a ni.

Thu lâkna: Upa Zonunmawia, General Secretary & mizoramsynod.org

SYNOD HELPLINE

Synod Inkhawmpui 2013 Rorêl No.39-na angin Synod thil pawimawha râwn leh zawh theihna (Helpline) chu a hnuaia number târ lante hi a ni e:

Office hun chhûngin - 2324448. Zân lamah - 2349880.

Mobile - 9862374232

SYNOD REVIVAL SPEAKERS' RETREAT

March 27-28, 2014 (Ningani-Zirtawp) hian Synod Revival Speakers' Retreat, Mission Vêng Kohhran Hall-ah neih tûr a ni a, kuminah hian riak lût lovin Retreat hi hman a ni ang a. Zân lam inkhawm pawh a awm lo vang. www.mizoramsynod.org